

Na osnovu člana 18. stav (1) tačka a) Zakona o Univerzitetu u Tuzli ("Službene novine Tuzlanskog kantona broj: 9/08.,8/10. i 7/11), člana 72. stav (1). tačka c). Statuta Univerziteta u Tuzli i člana 20. Odluke o izmjenama i dopunama Statuta Univerziteta u Tuzli, Upravni odbor Univerziteta u Tuzli na sjednici održanoj 07.07.2011. godine donio je

PRAVILNIK O NAČINU KORIŠTENJA I UPOTREBI MOBILNIH I FIKSNIH TELEFONA NA UNIVERZITETU U TUZLI

Član 1.

Ovim Pravilnikom utvrđuju se pravo i način korištenja telefona u vlasništvu Univerziteta u Tuzli (u daljem tekstu: Univerzitet u Tuzli), visina iznosa mjesečnih troškova telefona koji se plaćaju iz budžeta Univerziteta, kao i postupak i način plaćanja tih troškova preko dozvoljenog iznosa.

Član 2.

Pod pravom korištenja telefona iz člana 1. Pravilnika podrazumijeva se pravo korištenja fiksnih telefona-direktnih linija, instaliranih u zgradama Univerziteta, korištenje mobilnih telefona kao i troškova mobilnih telefona ostvarenih na službenom putovanju.

Član 3.

Pravo korištenja mobilnih telefona imaju:

- rektor,
- prorektori,
- generalni sekretar,
- dekani fakulteta/Akademije
- direktor Studentskog centra,
- šef Tehničke službe,
- šef kabineta rektora,
- vozač rektora.

Član 4.

Korisnicima iz prethodnog člana ovog Pravilnika, utvrđuje se najviši mjesečni iznos troškova korištenja mobilnog telefona, u iznosu kako slijedi:

- rektor	75,00 KM
- prorektor za međuuniverzitetsku saradnju u zemlji i inostranstvu	50,00 KM
- prorektor za nastavu i studentska pitanja	50,00 KM
- prorektor za razvoj i ekonomsko-finansijske poslove...	50,00 KM
- prorektor za pitanja naučnoistraživačkog rada	50,00 KM
- dekan	50,00 KM
- generalni sekretar	40,00 KM
- direktor Studentskog centra	40,00 KM
- šef Tehničke službe	25,00 KM
- šef kabineta rektora	25,00 KM
- vozač rektora.....	20,00 KM.

Iznosi u tački 4.ove Odluke utvrđuju se u bruto iznosu, odnosno sa uključenim troškovima pretplate i PDV-a.

Član 5.

Mjesečni troškovi korištenja fiksnih telefona-direktnih linija utvrđuju se u iznosima kako slijedi:

a) rukovodeći zaposlenici:

– rektor	100,00 KM
– prorektor.....	100,00 KM
– dekan	100,00 KM
– generalni sekretar	80,00 KM
– direktor Studenskog centra	80,00 KM
– šef Službe	80,00 KM
– šef Kabineta Rektora	100,00 KM;

Mjesečni troškovi korištenja ostalih fiksnih telefona-direktnih linija utvrđuju se u iznosima utvrđenih u spisku fiksnih telefona koji čini sastavni dio Pravilnika.

Iznosi u tački 5.ove Odluke utvrđuju se u bruto iznosu, odnosno sa uključenim troškovima pretplate i PDV-a.

Rukovodioci organizacionih jedinica, šefovi službi/ureda i Generalni sekretar vrše nadzor nad primjenom ovog Pravilnika za zaposlenike iz svoje nadležnosti.

Član 6.

U slučaju prekoračenja iznosa utvrđenog u prethodnom članu ovog Pravilnika, rukovodilac organizacione jedinice/službe/ureda, mjesečno dostavlja Ekonomsko-finansijskoj službi spisak direktnih telefonskih linija sa spisakom zaposlenika, čiji trošak po računu za prethodni mjesec, prekoračuje odobreni iznos.

Član 7.

Za svako prekoračenje iznosa mjesečnog telefonskog troška utvrđenog u članu 4. i 5. ovog Pravilnika, izvršit će se obustavljanje od plaće korisnika mobilnog telefona, odnosno direktne telefonske linije, o čemu će se donijeti pojedinačno rješenje.

Rješenje iz prethodnog stava ovog člana donosi Rektor ili lice koje on ovlasti, a za Rektora – Prorektor za razvoj i ekonomsko-finansijske poslove.

Odredba stava 1. ovog člana ne odnosi se na Rektora, u slučaju da je prekoračenje odobrenog iznosa za korištenje mobilnog telefona nastalo iz opravdanih službenih razloga, o čemu šef kabineta rektora sačinjava službenu zabilješku u kojoj se konstatuju razlozi koji su uticali na povećanje troškova.

Član 8.

Rukovodilac organizacione jedinice, šef Službe/ureda i Generalni sekretar će osigurati korištenje fiksnih telefona zaposlenicima u službene svrhe.

Rukovodilac organizacione jedinice će odobriti zaposleniku korištenje fiksne telefonske linije u međunarodnom saobraćaju, u službene svrhe, po osnovu prethodnog usmenog zahtjeva zaposlenika.

Član 9.

Ovaj Pravilnik stupa na snagu danom donošenja.

Član 10.

Stupanjem na snagu ovog Pravilnika prestaju da važe: Pravilnik o načinu korištenja i upotrebi mobilnih i fiksnih telefona na Univerzitetu u Tuzli br.04-2341-3-4/08 od 09.04.2008.godine, i Pravilnik o izmjenama i dopunama Pravilnika o načinu korištenja i upotrebi mobilnih i fiksnih telefona na Univerzitetu u Tuzli br.04-6958-4/09 od 28.09.2010.godine.

UNIVERZITET U TUZLI
Broj:04-5601-2/11
Tuzla,07.07.2011.godine

PREDSJEDNICA
UPRAVNOG ODBORA

Hasiba Omeragić, dipl.pravnik